



## საქართველოს მთავრობის დადგენილება

N 536 2017 წლის 8 დეკემბერი ქ. თბილისი

ტექნიკური რეგლამენტის – ხილის წვენისა და ადამიანის მოხმარებისათვის განკუთვნილი სხვა მსგავსი პროდუქტების დამტკიცების შესახებ

მუხლი 1. პროდუქტის უსაფრთხოებისა და თავისუფალი მიმოქცევის კოდექსის 56-ე მუხლის პირველი ნაწილის, 58-ე მუხლის მე-2 ნაწილისა და სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსის 75-ე მუხლის მე-2 ნაწილის შესაბამისად, დამტკიცდეს თანდართული ტექნიკური რეგლამენტი – ხილის წვენისა და ადამიანის მოხმარებისათვის განკუთვნილი სხვა მსგავსი პროდუქტების შესახებ.

მუხლი 2. ხილის წვენი და ადამიანის მოხმარებისათვის განკუთვნილი სხვა მსგავსი პროდუქტები, რომლებიც ბაზარზე განთავსებულია ან ეტიკეტირებულია ამ დადგენილების ამოქმედებამდე და არ შეესაბამება ამ დადგენილებით დამტკიცებული ტექნიკური რეგლამენტით განსაზღვრულ მოთხოვნებს, დასაშვებია ბაზარზე განთავსებულ იქნეს სურსათის ვარგისიანობის ვადის გასვლამდე, მაგრამ არა უმეტეს 2019 წლის პირველ იანვრამდე.

მუხლი 3. ეს დადგენილება, გარდა ამ დადგენილებით დამტკიცებული ტექნიკური რეგლამენტის მე-9 მუხლისა, ამოქმედდეს 2018 წლის პირველი ივლისიდან.

მუხლი 4. ამ დადგენილებით დამტკიცებული ტექნიკური რეგლამენტის მე-9 მუხლი ამოქმედდეს 2018 წლის პირველი თებერვალიდან.

პრემიერ-მინისტრი



გიორგი კვიციანი

დამტკიცებულია  
საქართველოს მთავრობის  
2017 წლის 8 დეკემბრის  
№ 536 დადგენილებით

ტექნიკური რეგლამენტი – ხილის წვენისა და ადამიანის მოხმარებისათვის  
განკუთვნილი სხვა მსგავსი პროდუქტების შესახებ

მუხლი 1. ზოგადი დებულებები

ტექნიკური რეგლამენტი ხილის წვენისა და ადამიანის მოხმარებისათვის განკუთვნილი სხვა მსგავსი პროდუქტების შესახებ (შემდგომში – ტექნიკური რეგლამენტი) ადგენს მოთხოვნებს ხილის წვენისა და სხვა მსგავსი პროდუქტის მიმართ და აწესრიგებს ბიზნესოპერატორის მიერ ხილის წვენისა და სხვა მსგავსი პროდუქტების წარმოებისა და ბაზარზე განთავსების პირობებს.

მუხლი 2. მიზანი და გამოყენების სფერო

1. ტექნიკური რეგლამენტი მიზნად ისახავს ხილის წვენის, ხილის კონცენტრირებული წვენის, კონცენტრატისგან დამზადებული ხილის წვენის, წყლით ექსტრაგირებული ხილის წვენის (დიფუზური წვენი), ხილის წვენის ფხვნილის – დეჰიდრირებული (გაუწყლოებული) ხილის წვენის, ხილის ნექტრის, სასმელი ხილის წვენი/ხილის წვენიანი სასმელის წარმოების, გადამუშავების, დისტრიბუციის ეტაპებზე რეგულირების ერთიანი პრინციპების განსაზღვრასა და მომხმარებელთა უფლებების დაცვას.

2. ტექნიკური რეგლამენტი ადგენს მოთხოვნებს:

ა) ხილის წვენის მიმართ;

- ბ) სხვა მსგავსი პროდუქტების მიმართ;
- გ) ხილის წვენი და სხვა მსგავსი პროდუქტების მარკირებისა და ეტიკეტირების შესახებ;
- დ) ხილის წვენი და სხვა მსგავსი პროდუქტების ბაზარზე განთავსების პირობების შესახებ;
- ე) ბიზნესოპერატორის მიმართ;
- ვ) ხილის წვენებისა და სხვა მსგავსი პროდუქტების შესაბამისობის კონტროლის პროცედურების მიმართ.

### **მუხლი 3. რეგულირების ობიექტი**

რეგულირების ობიექტებია ხილის წვენი და სხვა მსგავსი პროდუქტები. მათ შორის:

- ა) ხილის წვენი;
- ბ) კონცენტრატისგან დამზადებული ხილის წვენი;
- გ) ხილის კონცენტრირებული წვენი;
- დ) წყლით ექსტრაგირებული ხილის წვენი(დიფუზური წვენი);
- ე) ხილის წვენის ფხვნილი – დეჰიდრირებული (გაუწყლოებული) ხილის წვენი;
- ვ) ხილის ნექტარი;
- ზ) სასმელი ხილის წვენი/ხილის წვენიანი სასმელი;
- თ) მორსი.

### **მუხლი 4. ტერმინთა განმარტებები**

1. ამ ტექნიკური რეგლამენტის მიზნებისათვის გამოიყენება ტერმინები, რომლებსაც აქვს შემდეგი მნიშვნელობა:

ა) ხილის წვენი – ერთი ან სხვადასხვა სახეობის ახალი ან სათანადოდ შენახული (გაცივებული ან გაყინული) ხარისხიანი, მწიფე ხილის საკვებად ვარგისი ნაწილისაგან მიღებული არაფერმენტირებული, ფერმენტაციის უნარის მქონე პროდუქტი, ამ ხილის წვენისათვის დამახასიათებელი ფერით, გემოთი და არომატით;

ბ) ხილის კონცენტრირებული წვენი – პროდუქტი, კონცენტრატი, რომელიც დამზადებულია ერთი ან სხვადასხვა სახეობის ხილის წვენისგან, წყლის გარკვეული რაოდენობის ფიზიკურად(მექანიკურად) მოცილების შედეგად. თუ პროდუქტი განკუთვნილია უშუალოდ მოხმარებისათვის, მოცილებული წყლის რაოდენობა უნდა შეადგენდეს წყლის საერთო რაოდენობის არანაკლებ 50%-ს;

გ) კონცენტრატისგან დამზადებული ხილის წვენი – პროდუქტი, რომელიც დამზადებულია ხილის კონცენტრირებული წვენის აღდგენით სასმელი წყლით, რომელიც აკმაყოფილებს საქართველოს კანონმდებლობით განსაზღვრულ მოთხოვნებს;

დ) წყლით ექსტრაგირებული ხილის წვენი (დიფუზური წვენი) – პროდუქტი, რომელიც მიიღება ისეთი ხილის რბილობის ან/და გამომშრალი მთლიანი ხილის ნაყოფის ექსტრაქტული ნივთიერებების წყლით დიფუზიით, რომელთა ექსტრაქცია ვერ ხდება ფიზიკური მეთოდების გამოყენებით;

ე) ხილის წვენის ფხვნილი – დეჰიდრირებული (გაუწყლოებული) წვენი – პროდუქტი, რომელიც მიიღება ერთი ან რამდენიმე სხვადასხვა სახეობის ხილის წვენისაგან წყლის პრაქტიკულად მთლიანი რაოდენობის ფიზიკური (მექანიკური) მეთოდების გამოყენებით მოცილებით;

ვ) ხილის ნექტარი – ხილის წვენზე, კონცენტრატისგან დამზადებულ ხილის წვენზე, ხილის კონცენტრირებულ წვენსა და წყლით ექსტრაგირებულ ხილის წვენზე წყლის ან/და შაქრის ან/და თაფლის დამატებით ან დამატების გარეშე მიღებული არაფერმენტირებული, ფერმენტაციის უნარის მქონე პროდუქტი, რომელსაც ასევე დამატებული აქვს ხილფაფა ან/და კონცენტრირებული ხილფაფა ან/და მათი ნარევი;

ზ) ხილი – ყველა სახეობის ხილი. ამ ტექნიკური რეგლამენტის მიზნებისათვის პომიდორიც მიეკუთვნება ხილს;

თ) ხილფაფა – არაფერმენტირებული, ფერმენტაციის უნარის მქონე პროდუქტი, რომელიც მიიღება ფიზიკური (მექანიკური)

პროცესების: დაწნეხვის, დაქუცმაცების ან მთლიანი ან კანგაცლილი ხილის საკვებად ვარგისი ნაწილის გახეხვით ისე, რომ პროდუქტს არა აქვს მოცილებული წვენი;

ი) კონცენტრირებული ხილფაფა – ხილფაფისგან მიღებული პროდუქტი, რომელსაც ფიზიკური (მექანიკური) მეთოდების გამოყენებით მოცილებული აქვს გარკვეული რაოდენობით წყალი;

კ) არომატიზატორი – პროდუქტი, რომელიც უშუალოდ სურსათად არ გამოიყენება ადამიანის მიერ, რომელიც ემატება სურსათს არომატის ან/და გემოს მიცემის ან/და შეცვლის მიზნით;

ლ) შაქარი/შაქრები – ნახევრად თეთრი შაქარი, შაქარი ან თეთრი შაქარი, ექსტრა თეთრი შაქარი, შაქრის ფხვნილი, უწყლო გლუკოზა, შაქრის ხსნარი, ინვერსიული შაქრის ხსნარი, ინვერსიული შაქრის სიროფი, გლუკოზის სიროფი, იზოგლუკოზა, გლუკოზის სიროფი მშრალი, დექსტროზა ან დექსტროზის მონოჰიდრატი, ფრუქტოზა, ლერწმის შაქარი, ფრუქტოზის სიროფი, ხილიდან მიღებული შაქარი;

მ) თაფლი – ბუნებრივად ტკბილი ნივთიერება, პროდუქტი, რომელიც მიიღება მეთაფლია ფუტკრის (*Apis mellifera*) მიერ ყვავილის ნექტრის ან ცვარტკბილის შეგროვების, მისი გარდაქმნის, დეჰიდრატაციის (გაუწყლოების) და ფიჭაში მომწიფების მიზნით შენახვის შედეგად;

ნ) რბილობი და ხილის უჯრედები – ერთი სახეობის ხილის საკვებად ვარგისი ნაწილიდან მიღებული პროდუქტი, რომელსაც არა აქვს გამოცლილი წვენი. ციტრუსისთვის რბილობს ანუ ხილის უჯრედებს წარმოადგენს ენდოკარპისგან მიღებული ტომსიკები წვენით;

ო) ბრიქსის გრადუსი (რიცხვი) ( $^{\circ}\text{Bx}$ ) – უშუალოდ ბრიქსის არეომეტრის არეომეტრული გრადუსების რიცხვის ჩვენება, ან რეფრაქტომეტრზე მიღებული გარდატეხის მაჩვენებელი, რომელიც გამოხატავს ხსნარში საქაროზას პროცენტულ შემცველობას  $20^{\circ}\text{C}$ -ზე ან  $20^{\circ}\text{C}$ -ზე გადაანგარიშებით;

პ) სასმელი ხილის წვენით/ხილის წვენიანი სასმელი –

არაფერმენტირებული, ფერმანტაციის უნარის მქონე თხევადი პროდუქტი, რომელიც მიღებულია ხილის წვენ(ებ)ის და ხილფაფ(ებ)ის ან/და კონცენტრირებული ხილფაფ(ებ)ისა და წყლის შერევით ისე, რომ მასში ხილის წვენ(ებ)ისა და ხილფაფ(ებ)ის მინიმალური მოცულობითი შემცველობა შეადგენს არანაკლებ 10%-ს. თუ სასმელი ხილის წვენი/ხილის წვენიანი სასმელი მიიღება ლიმონის ან ლაიმის წვენისგან, მასში ხილის წვენ(ებ)ისა და ხილფაფ(ებ)ის მინიმალური მოცულობითი შემცველობა შეადგენს არანაკლებ 5%-ს;

ჟ) მორსი – თხევადი პროდუქტი, რომელიც წარმოებულია კენკროვნების წვენის ან/და ხილფაფისაგან, რომელიც მიიღება ნაყოფის ფიზიკური(მექანიკური) დამუშავებით, სასმელი წყლის, შაქრის ან/და შაქრების ან/და თაფლის დამატებით ისე, რომ მზა პროდუქტში წვენის ან/და ხილფაფის მინიმალური მოცულობითი შემცველობა შეადგენს არანაკლებ 15%-ს;

რ) კონცენტრირებული მორსი – პროდუქტი, რომელიც მიიღება კენკროვნების წვენ(ებ)ის ან/და ხილფაფისა და იმავე სახეობის კენკროვნების ნაყოფის ჩენჩოდან წყლით ექსტრაქციით მიღებული ნახევარფაბრიკატების ნარევზე ფიზიკური (მექანიკური) მოქმედებითა და შემდგომში ხსნადი მშრალი ნივთიერებების შემცველობის გაზრდის მიზნით წყლის მოცილებით ისე, რომ ხსნადი მშრალი ნივთიერებების შემცველობა, სულ მცირე, ორჯერ უნდა აღემატებოდეს საწყის პროდუქტში მის შემცველობას;

ს) ახლადგამოწურული წვენი – ახალი ან ახლადშენახული ხილის უშუალოდ მომხმარებლის თანდასწრებით გამოწურული წვენი, რომელიც არ დაექვემდებარა არანაირ დამუშავებას;

ტ) პირდაპირი დაწურვის წვენი – ხილის წვენი, რომელიც მიიღება ახალი ან ახლადშენახული ხილის უშუალოდ ფიზიკური (მექანიკური) დაწნეხის პროცესით;

უ) ყურძნის ტკბილი – ყურძნის დაწურვით მიღებული თხევადი პროდუქტი;

ფ) ყურძნის წვენი – ყურძნის ტკბილისგან ან კონცენტრირებული ყურძნის ტკბილისგან მიღებული თხევადი პროდუქტი, რომელიც განკუთვნილია ადამიანის მიერ უშუალო მოხმარებისთვის და რომლის სპირტშემცველობა 1%-ს არ აღემატება;

ქ) ბუნებრივი (ნატურალური) არომატიზატორი – მცენარეული, ცხოველური ან მიკრობიოლოგიური წარმოშობის მასალიდან სათანადო ფიზიკური, ფერმენტული, მიკრობიოლოგიური პროცესებით მიღებული ნედლი (გადაუმუშავებელი) ან გადამუშავებით მიღებული არომატული ნივთიერება, რომელიც განკუთვნილია ადამიანის მიერ სურსათის წარმოების ერთ ან მეტ პროცესში გამოყენებისათვის. ბუნებრივი არომატული ნივთიერება შეესაბამება ნივთიერებას, რომელიც ბუნებრივად არსებობს ან გამოვლენილია ბუნებაში.

2. ამ ტექნიკური რეგლამენტის მიზნებისათვის ასევე გამოიყენება სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსითა და საქართველოს კანონმდებლობით განსაზღვრული ტერმინები.

## მუხლი 5. ხილის წვენებისა და სხვა მსგავსი პროდუქტების ბაზარზე განთავსების პირობები

1. ბაზარზე განთავსებული ხილის წვენები და სხვა მსგავსი პროდუქტები უნდა აკმაყოფილებდეს საქართველოს კანონმდებლობითა და ამ ტექნიკური რეგლამენტით განსაზღვრულ მოთხოვნებს.

2. ბაზარზე განთავსებული ხილის წვენებისა და სხვა მსგავსი პროდუქტების ეტიკეტმა, აღწერილობამ და წარდგენამ შეცდომაში არ უნდა შეიყვანოს მომხმარებელი.

3. ბაზარზე განთავსებული ხილის წვენები და სხვა მსგავსი პროდუქტები ეტიკეტირებული უნდა იქნეს ამ ტექნიკური რეგლამენტისა და საქართველოს კანონმდებლობით განსაზღვრული წესით, შემდეგი პირობების დაცვით:

ა) პროდუქტების დასახელება – ხილის წვენი, ხილის



კონცენტრირებული წვენი, კონცენტრატისგან დამზადებული ხილის წვენი, წყლით ექსტრაგირებული ხილის წვენი (დიფუზური წვენი), ხილის წვენის ფხვნილი – დეჰიდრირებული (გაუწყლოებული) წვენი, ხილის ნექტარი, სასმელი ხილის წვენი/ხილის წვენიანი სასმელი, ახლადგამოწურული წვენი, მორსი, კონცენტრირებული მორსი, პირდაპირი დაწურვის წვენი ვაჭრობაში გამოყენებული უნდა იქნეს მხოლოდ ამ წესის მე-4 მუხლის პირველი პუნქტის „ა – ვ,“ „თ“ და „პ – ფ“ ქვეპუნქტებით განსაზღვრული პროდუქტებისათვის, რომელიც აკმაყოფილებს ამ ტექნიკური რეგლამენტით განსაზღვრულ მოთხოვნებს;

ბ) მე-4 მუხლის პირველი პუნქტის „ა“ და „ფ“ ქვეპუნქტებით განსაზღვრული იმ პროდუქტების მიმართ, რომლებიც წარმოებულია ევროკავშირის ქვეყნებში ან განკუთვნილია ამ ქვეყნებში სარეალიზაციოდ, დასაშვებია გამოყენებული იქნეს ალტერნატიული დასახელებები, ამ ტექნიკური რეგლამენტის დანართ №1-ის („განსაკუთრებული აღნიშვნები ზოგიერთი სახეობის ხილის წვენისა და სხვა მსგავსი პროდუქტებისათვის“) მოთხოვნათა გათვალისწინებით;

გ) იმ შემთხვევაში, თუ პროდუქტი მიღებულია ერთი სახეობის ხილისაგან, პროდუქტის დასახელება წარმოდგენილი უნდა იქნეს ხილის სახეობის დასახელებით;

დ) თუ პროდუქტი მიღებულია ორი ან მეტი სახეობის ხილისაგან, გარდა ამ წესის მე-6 მუხლის მე-10 პუნქტის „ე“ ქვეპუნქტით განსაზღვრულ პირობებში ლიმონის და/ან ლაიმის წვენის გამოყენების შემთხვევისა, პროდუქტის დასახელებაში მოცემულ უნდა იქნეს გამოყენებული ხილის ჩამონათვალი, ხილის წვენის ან ხილფაფის მასის კლებადობის შესაბამისად, როგორც ეს მითითებულია ინგრედიენტების ჩამონათვალში;

ე) თუ პროდუქტი მიღებულია სამი ან მეტი სახეობის ხილისაგან, ეტიკეტზე, პროდუქტის დასახელებაში დასაშვებია გამოყენებულ იქნეს სიტყვები „სხვადასხვა ხილი“ ან ანალოგიური ფორმულირება ან გამოყენებული ხილის სახეობების დასახელება რაოდენობის კლების მიხედვით;

ვ) ამ ტექნიკური რეგლამენტის მე-4 მუხლის პირველი პუნქტის „ა – ვ“ და „თ“ ქვეპუნქტებით განსაზღვრული პროდუქტების პირველად მდგომარეობაში აღდგენისათვის საჭირო, აუცილებელი ნივთიერებების გამოყენების შემთხვევაში, არ არის სავალდებულო ეტიკეტზე, ინგრედიენტების ჩამონათვალში ამ გამოყენებული ნივთიერებების დასახელების მითითება;

ზ) ხილის წვენიში ამ ტექნიკური რეგლამენტის მე-4 მუხლის პირველი პუნქტის „ნ“ ქვეპუნქტით განსაზღვრული რბილობის ან/და ხილის უჯრედების დამატების შემთხვევაში, აუცილებელია ეტიკეტზე შესაბამისი მინიშნების აღნიშვნა;

თ) ხილის წვენისა და კონცენტრატისაგან დამზადებული ხილის წვენის ნარევისათვის, ასევე ერთი ან რამდენიმე სახეობის ხილის კონცენტრატისაგან სრულად ან ნაწილობრივ მიღებული ხილის ნექტრისათვის, შესაბამისად, ეტიკეტზე მითითებული უნდა იქნეს სიტყვები: „კონცენტრატ(ებ)ისაგან“ ან „ნაწილობრივ კონცენტრატ(ებ)ისაგან“. ეს ინფორმაცია განთავსებული უნდა იქნეს პროდუქტის დასახელების გვერდით, ნებისმიერ ფონზე გამოსახული უნდა იქნეს მკაფიოდ და თვალით აღქმადი ასოებით;

ი) ხილის ნექტრის ეტიკეტზე სავალდებულოა ხილის წვენის, ხილფაფის ან ამ ინგრედიენტების ნებისმიერი ნარევის უმცირესი შემცველობის მითითება შემდეგი სახით: „ხილის შემცველობა არანაკლებ ...%“-ისა. ეს ინფორმაცია განთავსებული უნდა იქნეს ხედვის იმავე არეალში, სადაც განთავსებულია პროდუქტის დასახელება;

კ) ინგრედიენტების ჩამონათვალში „ასკორბინის მჟავის“ მითითება, თუ ის გამოიყენება როგორც ანტიოქსიდანტი, არ უნდა აღინიშნოს როგორც „ვიტამინი C“;

ლ) განაცხადი ეტიკეტზე, რომ ხილის ნექტარზე არ არის დამატებული შაქარი ან სხვა ნებისმიერი განაცხადი, რომელსაც მომხმარებლისათვის სავარაუდოდ იგივე მნიშვნელობა აქვს, შესაძლებელია გამოყენებულ იქნეს მხოლოდ იმ შემთხვევაში, თუ

პროდუქტი არ შეიცავს დამატებულ მონო და დისაქარიდებს ან დატკობის მიზნით დამატებულ სხვა სურსათს, მათ შორის, დამატკობელს, რომელიც განსაზღვრულია საქართველოს კანონმდებლობით;

მ) თუ ხილის ნექტარში შაქარი ბუნებრივად არსებობს, ეტიკეტზე განთავსებული უნდა იქნეს შემდეგი ინფორმაცია: „შაქრის გარეშე“ ან/და „დამატკობლის გარეშე“ ან „შაქრის ბუნებრივი შემცველობით“;

ნ) თუ ხილის წვენსა და სხვა მსგავს პროდუქტებს დამატებული აქვს მე-4 მუხლის „ლ“ ქვეპუნქტით განსაზღვრული შაქარი/შაქრები ეტიკეტზე, პროდუქტის დასახელების გვერდით, ხედვის იმავე არეალში, მითითებული უნდა იქნეს სიტყვები: „დამატებული შაქრით“ ან „შაქრით“;

ო) თუ ხილის ნექტარს ან სასმელს ხილის წვენი/ხილის წვენიან სასმელს დამატებული აქვს დამატკობელი, ეტიკეტზე ნექტრის ან სასმელის ხილის წვენი/ხილის წვენიანი სასმელის დასახელებას დამატებული უნდა ჰქონდეს სიტყვები: „დამატკობლით“ ან „დამატკობლებით“;

პ) თუ ხილის ნექტარს ან სასმელს ხილის წვენი/ხილის წვენიან სასმელს დამატებული აქვს ხელოვნური დამატკობელი ასპარტამი, სამომხმარებლო შეფუთვის ეტიკეტზე, ნექტარის ან სასმელის ხილის წვენი/ხილის წვენიანი სასმელის დასახელებას დამატებული უნდა ჰქონდეს წარწერა – „შეიცავს ფენილალანინის წყაროს“;

ჟ) ხილის წვენის ეტიკეტზე ტერმინები „სუფთა“ ან/და „100 %-იანი“ შესაძლებელია გამოყენებულ იქნეს მხოლოდ იმ შემთხვევაში, თუ ხილის წვენი არ შეიცავს არანაირ დანამატებსა და ინგრედიენტებს, მათ შორის, ასკორბინის მჟავას და წარმოდგენილია მხოლოდ ხილის წვენი;

რ) ამ პუნქტის „ჟ“ ქვეპუნქტით განსაზღვრული ხილის წვენის ეტიკეტზე, თუ იგი დაექვემდებარა დაფასოებასა და პასტერიზაციას ან სხვა სახის ანალოგიური მიზნით დამუშავებას (მაღალი წნევა, იმპულსური ელველი და სხვ.), ხედვის ძირითად არეალში, პროდუქტის დასახელებასთან ერთად მითითებული უნდა იქნეს დამუშავების ტიპი;

ს) თუ ხილის კონცენტრირებული წვენი, კონცენტრირებული

ხილფაფა ან ხილის კონცენტრირებული წვენის ნარევი, კონცენტრირებული ხილფაფის ნარევი, ხილის წვენად და ხილფაფად ან ხილის წვენის ნარევად და ხილფაფის ნარევად გამოყენებამდე უნდა დაექვემდებაროს აღდგენის პროცესს, ეტიკეტი უნდა შეიცავდეს ინფორმაციას აღდგენილი ხილის წვენისა და აღდგენილი ხილფაფისათვის დანართ №3-ით („ბრიქსის გრადუსის (რიცხვის) უმცირესი მნიშვნელობა აღდგენილი ხილის წვენისა და აღდგენილი ხილფაფისათვის“) განსაზღვრული ბრიქსის გრადუსის (რიცხვის) მისაღწევად, აღდგენისათვის საჭირო წყლის მოცულობასთან დაკავშირებით.

4. ამ ტექნიკური რეგლამენტის მე-4 მუხლის პირველი პუნქტის „ბ“ ქვეპუნქტით განსაზღვრულ ხილის კონცენტრირებული წვენის, რომელიც არ არის განკუთვნილი ადამიანის მიერ უშუალოდ მიწოდებისთვის, შეფუთვაზე ან შეფუთვაზე მიმაგრებულ ეტიკეტზე ან თანმხლებ დოკუმენტებში მითითებული უნდა იქნეს დამატებული ლიმონის წვენის, ლაიმის წვენის ან საქართველოს კანონმდებლობით განსაზღვრული მჟავიანობის რეგულატორის დამატებული რაოდენობა.

## მუხლი 6. მოთხოვნები რეგულირების ობიექტების მიმართ

1. ხილის წვენებისა და სხვა მსგავსი პროდუქტების წარმოებისათვის ნებადართულია საქართველოს კანონმდებლობით დადგენილი საკვებდანამატების გამოყენება.

2. ხილის წვენებისა და სხვა მსგავსი პროდუქტების წარმოებისათვის გამოყენებულ უნდა იქნეს მე-4 მუხლის პირველი პუნქტის „ზ - ნ“ ქვეპუნქტებით განსაზღვრული პროდუქტები, მხოლოდ ამ მუხლის მე-9 პუნქტით განსაზღვრული ინგრედიენტები, მე-10 პუნქტით განსაზღვრული დამატებითი საშუალებები, მე-11 პუნქტით განსაზღვრული პროცედურები და მე-12 პუნქტით განსაზღვრული ნივთიერებები.

3. გარდა ამ მუხლის მე-2 პუნქტით განსაზღვრული მოთხოვნებისა, ხილის ნექტარი უნდა აკმაყოფილებდეს დანართ №2-ით („სპეციალური

მოთხოვნები ხილის ნექტარისათვის“) განსაზღვრულ სპეციალურ მოთხოვნებს.

4. ხილის წველებისა და სხვა მსგავსი პროდუქტების წარმოება დასაშვებია ამ ტექნიკური რეგლამენტისა და დეკლარირებული სტანდარტის შესაბამისად.

5. ხილის წვენის, ხილფაფისა და ხილის ნექტრის დასახელებაში გამოყენებულ უნდა იქნეს ამ ტექნიკური რეგლამენტის დანართი №3-ით განსაზღვრული ხილის ბოტანიკური დასახელების შესაბამისი დასახელება („ვაშლის წვენი“, „გარგარის წვენი“, „ვაშლის ხილფაფა“, „გარგარის ხილფაფა“, „ვაშლის ნექტარი“, „გარგარის ნექტარი“ და ა.შ.) ან საერთო დასახელება („ხილის წვენი“, „კენკროვნების წვენი“, „ხილის ხილფაფა“, „კენკროვნების ხილფაფა“, „ხილის ნექტარი“ „კენკროვნების ნექტარი“ და ა.შ).

6. იმ ხილის წვენის, ხილფაფისა და ხილის ნექტრის დასახელებაში, რომელიც არ არის განსაზღვრული ამ ტექნიკური რეგლამენტის დანართ №3-ში, ხილის ბოტანიკურ დასახელებად გამოყენებული უნდა იქნეს ბოტანიკური დასახელების შესაბამისი დასახელება ან საერთო დასახელება.

7. ხილის წვენისათვის ბრიქსის გრადუსი (რიცხვი) უნდა იყოს ერთი და იგივე, არ უნდა იცვლებოდეს და შეესაბამებოდეს ხილის ბრიქსის გრადუსს (რიცხვს), გარდა იმ შემთხვევისა, როდესაც მას შერეული აქვს ამავე ხილის სხვა ნაირსახეობა (ბოტანიკური დასახელება).

8. აღდგენილი ხილის წვენისათვის და აღდგენილი ხილფაფისათვის, ამ ტექნიკური რეგლამენტის დანართ №3-ით განსაზღვრული ბრიქსის გრადუსის (რიცხვის) უმცირესი მნიშვნელობა არ მოიცავს იმ ნებისმიერი ინგრედიენტებისა და დანამატების ხსნად მშრალ ნივთიერებებს, რომელთა დამატებაც ხდება.

9. ხილის წვენებისა და სხვა მსგავსი პროდუქტების წარმოებისათვის დასაშვებია მხოლოდ შემდეგი ინგრედიენტების გამოყენება:

ა) „ტექნიკური რეგლამენტი – ვიტამინების, მინერალების და

ზოგიერთი სხვა ნივთიერების სურსათში დამატების შესახებ“ საქართველოს მთავრობის 2016 წლის 17 ნოემბრის №508 დადგენილებით განსაზღვრული ვიტამინები, მინერალები და სხვა ნივთიერებები;

ბ) საქართველოს კანონმდებლობით განსაზღვრული საკვებდანამატები;

გ) ხილის წვენში, გარდა ყურძნის წვენისა, კონცენტრატისგან დამზადებულ ხილის წვენში, ხილის კონცენტრირებულ წვენში, წყლით ექსტრაგირებულ ხილის წვენში (დიფუზური წვენი), ხილფაფასა და კონცენტრირებულ ხილფაფაში, თუ ის უშუალოდ მიეწოდება მომხმარებელს ან საზოგადოებრივი კვების ობიექტს, დასაშვებია თეთრი შაქრის (შაქრის ფხვნილი), უწყლო გლუკოზის, გლუკოზისა და ფრუქტოზის, რომლის სინესტის მასური წილი 2%-ზე ნაკლებია, დამატება;

დ) კონცენტრატისგან დამზადებულ ხილის წვენში, ხილის კონცენტრირებულ წვენში, კონცენტრირებულ ხილფაფასა და ხილის ნექტარში, თუ ის უშუალოდ მიეწოდება მომხმარებელს ან საზოგადოებრივი კვების ობიექტს, დასაშვებია თხევადი საქაროზას, ინვერსიული შაქრის სიროფის, ინვერსიული შაქრის ხსნარის, ფრუქტოზის სიროფის, ლერწმის თხევადი შაქრის, იზოგლუკოზისა და ფრუქტოზის მაღალი შემცველობის ხსნარის დამატება;

ე) დაუშვებელია ამ პუნქტის „გ“ და „დ“ ქვეპუნქტებით განსაზღვრული შაქრების დამატებისას იმავე პროდუქტში მჟავიანობის რეგულატორის დამატება;

ვ) დაუშვებელია ამ პუნქტის „გ“ ქვეპუნქტით განსაზღვრული შაქრების დამატება ხილის წვენში ხსნადი მშრალი ნივთიერების შეცვლის მიზნით.

10. გარდა ამ მუხლის მე-9 პუნქტით განსაზღვრული ინგრედიენტებისა, დასაშვებია:

ა) ხილის წვენის, კონცენტრატისაგან დამზადებული ხილის წვენისა და ხილის კონცენტრირებული წვენისათვის აღდგენილი

არომატიზატორის ან/და ხილის იმავე სახეობიდან მიღებული ბუნებრივი (ნატურალური) არომატიზატორის, რბილობის ან/და ხილის უჯრედების დამატება;

ბ) ყურძნის წვენიანათვის ღვინის მჟავის აღდგენილი მარილების დამატება;

გ) ხილის ნექტრისათვის აღდგენილი არომატიზატორის ან/და ხილის იმავე სახეობიდან მიღებული ბუნებრივი (ნატურალური) არომატიზატორის, რბილობის ან/და ხილის უჯრედების, ასევე მზა პროდუქციის საერთო მასის 20% შაქრის ან/და თაფლის ან/და დამატკობლის დამატება;

დ) ამ ტექნიკური რეგლამენტის დანართ №1-ის „ა“, „ბ“ ქვეპუნქტის „ბ.ა“, „ბ“, „ვ“ და „ი“ ქვეპუნქტებით განსაზღვრული პროდუქტებისათვის შაქრის და/ან თაფლის დამატება;

ე) ამ ტექნიკური რეგლამენტის მე-4 მუხლის პირველი პუნქტის „ა – ე“ ქვეპუნქტებით განსაზღვრული პროდუქტების მჟავიანობის რეგულირებისათვის ყოველ ერთ ლიტრ წვენში უწყლო ლიმონმჟავაზე გადაანგარიშებით 3 გ-მდე ლიმონის ან/და ლაიმის წვენის და/ან ლიმონის კონცენტრირებული წვენის და/ან ლაიმის კონცენტრირებული წვენის დამატება;

ვ) ხილის ნექტარში, ყოველ ერთ ლიტრში, უწყლო ლიმონმჟავაზე გადაანგარიშებით, 5 გ-მდე ლიმონის ან/და ლაიმის წვენის დამატება;

ზ) პომიდვრის წვენში ან კონცენტრატისაგან დამზადებული პომიდვრის წვენში მარილის, სანელებლებისა და არომატული მწვანეების ან მათი ექსტრაქტების დამატება.

11. ამ ტექნიკური რეგლამენტის მე-4 მუხლის პირველი პუნქტის „ა – ე“ და „ფ“ ქვეპუნქტებით განსაზღვრული პროდუქტების დამზადებისათვის დასაშვებია მხოლოდ შემდეგი პროცედურების გამოყენება:

ა) მექანიკური ექსტრაქციის პროცესი;

ბ) ჩვეულებრივი ფიზიკური პროცესი, მათ შორის, ხილის, გარდა ყურძნისა, საკვებად ვარგისი ნაწილების წყლით ექსტრაქცია (დიფუზია)

ხილის კონცენტრირებული წვენების წარმოებისათვის, იმ პირობით, რომ ამ პროცესით მიღებული ხილის წვენი შეესაბამება ამ ტექნიკური რეგლამენტის მე-4 მუხლის პირველი პუნქტის „ა“ ქვეპუნქტით განსაზღვრულ ხილის წვენს;

გ) ყურძნისაგან დამზადებული ყურძნის წვენისათვის, რომლის დამზადებისას გამოიყენება გოგირდის დიოქსიდით (გოგირდის ორჟანგი -  $SO_2$ ) სულფიტაცია, დასაშვებია დესულფიტაციის მიზნით ფიზიკური მეთოდების გამოყენება იმ პირობით, რომ საბოლოო პროდუქტში გოგირდის დიოქსიდის ( $SO_2$ ) შემცველობა არ უნდა აღემატებოდეს 10 მგ/ლ.

12. ამ ტექნიკური რეგლამენტის მე-4 მუხლის პირველი პუნქტის „ა – ე“ და „ფ“ ქვეპუნქტებით განსაზღვრული პროდუქტებისათვის დასაშვებია გამოყენებულ იქნეს მხოლოდ შემდეგი ნივთიერებები:

ა) ფერმენტული პრეპარატები:

ა.ა) პექტინაზები – პექტინის დაშლისათვის;

ა.ბ) პროტეინაზები – პროტეინების (ცილების) დაშლისათვის;

ა.გ) ამილაზები – სახამებლის დაშლისათვის;

ა.დ) ცელულაზა – უჯრედის კედლის დაშლის მიზნით შეზღუდულად გამოყენებისათვის;

ბ) სასურსათო ჟელატინი;

გ) ტანინები;

დ) სილიკაზოლი;

ე) ხის ნახშირი;

ვ) აზოტი;

ზ) ბენტონიტი, როგორც ადსორბენტი თიხა;

თ) ქიმიურად ინერტული გასაფილტრი და გამოსალექი საშუალებები (მათ შორის, პერლიტი, გარეცხილი დიატომიტი, ცელულოზა, უხსნადი პოლიამიდი, პოლოვინილპოლიპროლიდონი, პოლისტიროლი) რომელიც დაშვებულია სურსათთან შეხებისათვის;

ი) ქიმიურად ინერტული ადსორბენტები (ადსორბციული საშუალებები), რომლებიც გამოიყენება ციტრუსის წვენში ლიმონოიდების



და ნარინგინის შემცირებისათვის იმ პირობით, რომ მათი გამოყენება მნიშვნელოვან ზეგავლენას არ მოახდენს ლიმონიდურ გლიკოზიდებზე, მჟავაზე, შაქრებზე (ოლიგოსაქარიდების ჩათვლით) ან მინერალურ შედგენილობაზე;

კ) ხორბლის, ბარდის ან კარტოფილის მცენარეული ცილები გაწმენდისათვის;

ლ) პოლიდიმეტილსილოქსანი, რომლის შემცველობა მზა პროდუქტში არ უნდა აღემატებოდეს 10 მგ/ლ;

მ) კალციუმის ჰიდროჟენგი, მხოლოდ ყურძნის წვენიში;

ნ) ქიტინოზანი;

ო) კოლოიდური კვარცი;

პ) კათიონური და ანიონური იონმიმოცვლითი ცვილები;

ჟ) თევზის წებო;

რ) კაოლინი;

ს) კალიუმის კაზეინატი და ნატრიუმის კაზეინატი, რომელთა გამოყენების შემთხვევაში გათვალისწინებული უნდა იქნეს მათი შესაძლო ალერგიული თვისებები. მზა პროდუქტში კალიუმის კაზეინატისა და ნატრიუმის კაზეინატის არსებობის შემთხვევაში, ეტიკეტზე ინგრედიენტების ჩამონათვალში სავალდებულოა მისი მითითება;

ტ) ღვინის მჟავის კალიუმის მარილი, მხოლოდ ყურძნის წვენიში;

უ) კალციუმის კარბონატი გამოლექილი, მხოლოდ ყურძნის წვენიში;

ფ) ბრინჯის კანი;

ქ) გოგირდის ორჟანგი – მხოლოდ ყურძნის წვენიში;

ღ) ტანინი.

13. მორსის წარმოებისათვის გამოყენებული კენკროვნების წვენი ან/და ხილფაფა შეიძლება შერეულ იქნეს პროდუქტთან, რომელიც მიღებულია ამავე კენკროვნების ნაყოფის ჩენჩოს წყლიანი ექსტრაქტიდან. მორსი შესაძლებელია წარმოებულ იქნეს კენკროვნების კონცენტრირებული წვენისგან და/ან ხილფაფისგან. შერეული მორსის წარმოება ხდება ორი ან მეტი სახეობის კენკროვანი ნაყოფის წვენის და/ან

ხილფაფის შერევით.

**მუხლი 7. სპეციალური მოთხოვნები რეგულირების ობიექტების მიმართ**

1. ხილი წვენის დასამზადებლად/წარმოებისათვის გამოყენებული ხილი უნდა იყოს ჯანსაღი, სათანადო სიმწიფის, ახალი ან შენახული ფიზიკური საშუალებით ან საქართველოს კანონმდებლობით დაშვებული, მოსავლის შემდგომი დასამუშავებელი საშუალებ(ებ)ით დამუშავებული.

2. ციტრუსის წვენი მზადდება ენდოკარპისაგან. ლაიმის წვენი შესაძლებელია დამზადდეს მთლიანი ხილისაგან.

3. ხილის წვენის დასამზადებლად ხილის კურკით, თესლითა და კანით გადამუშავებისას დაუშვებელია მათი ნაწილების ან ცალკეული კომპონენტების წვენში არსებობა, გარდა იმ შემთხვევისა, როდესაც ამ ნაწილების მოცილება ვერ ხორციელდება კარგი საწარმოო პრაქტიკის გამოყენებით. დასაშვებია ხილის წვენის წარმოებისას ხილის წვენისა და ხილფაფის შერევა.

4. კონცენტრატისგან დამზადებული ხილის წვენის დამზადების მეთოდი უნდა უზრუნველყოფდეს გამოყენებული ხილის ძირითადი ფიზიკური, ქიმიური, ორგანოლექტიკური და კვებითი თვისებების შენარჩუნებას. დასაშვებია კონცენტრატისგან დამზადებული ხილის წვენის წარმოებისას ხილის წვენის და/ან ხილის კონცენტრირებული წვენის შერევა ხილფაფასთან და/ან კონცენტრირებულ ხილფაფასთან.

5. თუ ხილის ნექტარი იწარმოება შაქრის დამატების გარეშე ან დაბალი ენერგეტიკული ღირებულებით, დასაშვებია შაქრის სრულად ან ნაწილობრივ ჩანაცვალა საქართველოს კანონმდებლობით განსაზღვრული დამატკობლით.

6. კონცენტრატისგან დამზადებულ ხილის წვენში წყალში ხსნადი მშრალი ნივთიერებების შემცველობა უნდა შეესაბამებოდეს აღდგენილი წვენისათვის ამ ტექნიკური რეგლამენტის დანართ №3-ით განსაზღვრულ ბრიქსის გრადუსის (რიცხვის) უმცირეს მნიშვნელობას.

თუ კონცენტრატისაგან დამზადებული ხილის წვენი მზადდება ისეთი ხილისაგან, რომლის ბრიქსის გრადუსი (რიცხვი) არ არის დანართ №3-ით განსაზღვრული, აღდგენილი წვენის ბრიქსის გრადუსის (რიცხვის) უმცირეს მნიშვნელობად მიღებული უნდა იქნეს ხილის კონცენტრირებული წვენის მისაღებად განკუთვნილი ხილის წვენის ბრიქსის გრადუსი (რიცხვი).

7. კონცენტრირებული ხილფაფა შეიძლება შეიცავდეს ხილის ანალოგიური სახეობისაგან სათანადო ფიზიკური (მექანიკური) საშუალებით (მეთოდით) მიღებულ და აღდგენილ არომატიზატორს ან/და ხილის იმავე სახეობიდან მიღებულ ბუნებრივ (ნატურალურ) არომატიზატორს.

8. ხილის წვენი ან/და ხილის კონცენტრირებული წვენი ან/და კონცენტრატისაგან დამზადებული ხილის წვენი ან/და ხილის ნექტარი შეიძლება შეიცავდეს ხილის იმავე სახეობიდან სათანადო ფიზიკური (მექანიკური) საშუალებით (მეთოდით) მიღებულ აღდგენილ არომატიზატორს ან/და ხილის იმავე სახეობიდან მიღებული ბუნებრივ (ნატურალურ) არომატიზატორს, რბილობსა და ხილის უჯრედებს.

9. არომატიზატორის აღდგენა, არომატის ხარისხის შენარჩუნების ან სტაბილიზაციისათვის ხდება ხილის სათანადო ფიზიკური (მექანიკური) მეთოდებით დამუშავებით, რომელიც მოიცავს დაწურვას, ექსტრაქციას, დისტილაციას, ფილტრაციას, ადსორბციას, აორთქლებას, ფრაქციებად დაყოფასა და კონცენტრაციას. აღდგენილი არომატიზატორი მიიღება ხილის საკვებად ვარგისი ნაწილებისაგან, თუმცა იგი შეიძლება მიღებულ იქნეს ციტრუსების კანის ცივი დაწნეხვით მიღებული ზეთისგან და კურკის ნივთიერებებისაგან.

## მუხლი 8. მოთხოვნები ბიზნესოპერატორის მიმართ

1. ბიზნესოპერატორი ვალდებულია:

ა) უზრუნველყოს ხილის წვენებისა და სხვა მსგავსი პროდუქტების შესაბამისობა ამ ტექნიკური რეგლამენტითა და საქართველოს

კანონმდებლობით განსაზღვრულ მოთხოვნებთან;

ბ) დაიცვას საქართველოს კანონმდებლობით განსაზღვრული ჰიგიენის ზოგადი მოთხოვნები ხილის წვენებისა და სხვა მსგავსი პროდუქტების წარმოების, გადამუშავების ან/და დისტრიბუციის ეტაპებზე.

2. შესაძლებელია ბიზნესოპერატორმა, რომელიც ახორციელებს ხილის წვენებისა და სხვა მსგავსი პროდუქტების წარმოებას, გადამუშავებას ან/და დისტრიბუციას, გამოიყენოს ამ მუხლის პირველი პუნქტის „ბ“ ქვეპუნქტით განსაზღვრული მოთხოვნებისგან განსხვავებული მოთხოვნები იმ შემთხვევაში, თუ მის მიერ დასაბუთებული იქნება, რომ გამოყენებული განსხვავებული მოთხოვნებით უზრუნველყოფილია ჰიგიენის ზოგადი მოთხოვნების დაცვა.

#### მუხლი 9. VI 1 ფორმის სერტიფიკატის გაცემა

1. ბიზნესოპერატორის მოთხოვნის საფუძველზე, ყურძნის წვენსა და ყურძნის ტკბილზე გაიცემა VI 1 ფორმის სერტიფიკატი (დანართი №4) იმ შემთხვევაში, თუ ყურძნის წვენი და ყურძნის ტკბილი დამზადებულია მხოლოდ ყურძნის ტკბილისგან ან/და კონცენტრირებული ყურძნის ტკბილისგან და აკმაყოფილებს საქართველოს კანონმდებლობით განსაზღვრულ მოთხოვნებს.

2. ამ მუხლის პირველი პუნქტით განსაზღვრულ ყურძნის წვენსა და ყურძნის ტკბილზე VI 1 ფორმის სერტიფიკატი გაიცემა საჯარო სამართლის იურიდიული პირის – ღვინის ეროვნული სააგენტოს მიერ, საქართველოს კანონმდებლობით განსაზღვრული წესით. სერტიფიკატის მე-9 გრაფას ავსებს საჯარო სამართლის იურიდიული პირი – ღვინის ეროვნული სააგენტო, ხოლო მე-10 გრაფას – ის საგამოცდო ლაბორატორია, რომელსაც აკრედიტაცია გავლილი აქვს VI 1 ფორმის სერტიფიკატით განსაზღვრული მაჩვენებლების გამოკვლევაზე. აღნიშნული გრაფები დამოწმებული უნდა იქნეს საჯარო სამართლის იურიდიული პირის – ღვინის ეროვნული სააგენტოსა და აღნიშნული ლაბორატორიის შესაბამისი

უფლებამოსილების მქონე პირთა ხელმოწერებით ან ხელმოწერით და ბეჭდით.

#### **მუხლი 10. შესაბამისობის კონტროლი**

ხილის წვეწვებისა და სხვა მსგავსი პროდუქტების წინამდებარე ტექნიკურ რეგლამენტთან შესაბამისობის კონტროლი ხორციელდება:

- ა) საჯარო სამართლის იურიდიული პირის – სურსათის ეროვნული სააგენტოს მიერ სახელმწიფო კონტროლის დროს;
- ბ) საჯარო სამართლის იურიდიული პირის – შემოსავლების სამსახურის მიერ საქართველოს საბაჟო საზღვარზე გადაადგილებისას;
- გ) ბიზნესოპერატორის მიერ, შიდა საწარმოო კონტროლის დროს.

განსაკუთრებული აღნიშვნები ზოგიერთი სახეობის ხილის წვენიდან და სხვა მსგავსი პროდუქტებისათვის

ა) „vruchtendrank“ - ხილის ნექტარისათვის;

ბ) „Süßmost“ - აღნიშვნა შესაძლებელია გამოყენებული იქნას მხოლოდ პროდუქტის «Fruchtsaft» ან «Fruchtnektar» აღნიშვნასთან ერთად:

ბ.ა) ხილის ნექტარისათვის, რომელიც მიღებულია მხოლოდ ხილის წვენიდან, ხილის კონცენტრირებული წვენიდან ან ამ პროდუქტების ნარევისაგან, რომელიც ბუნებრივ მდგომარეობაში მაღალი ბუნებრივი მჟავიანობის გამო არ გამოიყენება;

ბ.ბ) ხილის წვენიდან, რომელიც მიიღება ვაშლის ან მსხლისაგან, საჭიროების შემთხვევაში ვაშლის დამატებით, შაქრის დამატების გარეშე;

გ) «succo e polpa» ან «sumo e polpa» ხილის ნექტარისათვის, რომელიც მიღებულია მხოლოდ ხილფაფისაგან და/ან კონცენტრირებული ხილფაფისაგან;

დ) «æblemust», ვაშლის წვენიდან, შაქრის დამატების გარეშე;

ე) «sur ... saft» - შავი მოცხარის, ალუბლის, წითელი მოცხარის, თეთრი მოცხარის, ყოლოს, მარწყვის ან ანწლის წვენიდან გამოყენებული ხილის დანიურ ენაზე დასახელებასთან ერთად, შაქრის დამატების გარეშე;

ვ) 'sød ... saft' ან 'sødet ... saft' - შავი მოცხარის, ალუბლის, წითელი მოცხარის, თეთრი მოცხარის, ყოლოს, მარწყვის ან ანწლის წვენიდან გამოყენებული ხილის დანიურ ენაზე დასახელებასთან ერთად, ერთ ლიტრში 200 გ -ზე მეტი შაქრის დამატებისას;

ზ) «äppelmust / äpplemust» - ვაშლის წვენიდან, შაქრის დამატების გარეშე

თ) «mosto» - ყურძნის წვენიდან სინონიმი;

ი) «smiltsērķķķu sula ar cukuru» ან «astelpaju mahl suhkruga» ან «słodzony sok z rokitnika» ქაჯვის წვენიდან, ერთ ლიტრში არაუმეტეს 140 გ შაქრის დამატებისას.

სპეციალური მოთხოვნები ხილის ნექტარისათვის

ხილის ნექტარის დასამზადებლად გამოყენებული ხილის დასახელება	ბოტანიკური დასახელება	ხილის წვენი და/ ან ხილფაფის მინიმალური შემცველობა საბოლოო პროდუქტში (%)
ხილი მკვეთრად, რომელიც ბუნებრივ მდგომარეობაში არ გამოიყენება		
ალუბალი (ჩვეულებრივი) (Sour cherry)	<i>Prunus cerasus L.</i>	25,0
ანწლი (Elderberry)	<i>Sambucus nigra L.</i> <i>Sambucus canadensis</i>	50,0
ასკილი (Rose hip)	<i>Rosa canina L.</i> <i>Rosa sp. L.</i>	40,0
ბალი (სხვა დანარჩენი) (Other cherries)	<i>Prunus avium L.</i>	25,0
გარგარი (Apricot)	<i>Prunus armeniaca L.</i>	40
თუთა (Mulberry/blackberry)	<i>Morus sp.</i>	30
კვრინძხი (Sloe)	<i>Prunus spinosa L.</i>	25,0
კომში (Quince)	<i>Cydonia oblonga Mill.</i>	25,0
ლიმონი და ლაიმი (Lemons and limes)	<i>Citrus limon (L.) Burm. f. Citrus limonum Rissa</i> და <i>Citrus aurantifolia (Christm.) (swingle)</i>	25,0
მარაკუია (Passion fruit)	<i>Pasiflora edulis Sims. f. edulis</i> <i>Passiflora edulis Sims. f. Flavicarpa</i> <i>O. Def.</i>	25,0
მარწყვი (Strawberry)	<i>Fragaria x. ananassa Duchense</i> ( <i>Fragaria chiloensis</i> <i>Duchesne x Fragaria virginiana Duchesne</i> )	40,0
მოცვი (Bilberry)	<i>Vaccinium myrtillus L.</i> <i>Vaccinium corymbosum L.</i> <i>Vaccinium angustifolium</i>	40,0
მოცხარი შავი (Blackcurrants)	<i>Ribes nigrum L.</i>	30,0
მოცხარი თეთრი (Whitecurrants)	<i>Ribes rubrum L.</i>	30,0

მოცხარი წითელი (Redcurrants)	<i>Ribes rubrum L.</i>	30,0
ნარანჯილა (Quito naranjillos)	<i>Solanum quitoense</i>	25,0
ქოლო (Raspberry)	<i>Rubus idaeus L.</i> <i>Rubus strigosus Michx.</i>	40,0
ქაცვი (Seabuckthorn berries)	<i>Hippophae elaeagnae Hippophae rhamnoides L.</i>	25,0
ქლიავი (Plums)	<i>Prunus domestica L. ქვესახეობა domestica</i>	50,0
ლოღნოშო (Quetsches)	<i>Prunus domestica L. ქვესახეობა domestica</i>	30,0
შტოში (Cranberries)	<i>Vaccinium macrocarpon Aiton</i> <i>Vaccinium oxycoccos L.</i>	30,0
ცირცელი (Rowanberries)	<i>Sorbus aucuparia L.</i>	30,0
ხურტკმელი (Gooseberries)	<i>Ribes uva-crispa</i>	30,0
სხვა ხილი ამ კატეგორიის	-	25,0
ხილი დაბალი მეავიანობის, რბილობით ან ძლიერი არომატის მქონე წვენიით, რომელიც ბუნებრივ მდგომარეობაში არ გამოიყენება		
აკაჟუ (Cashew fruits)	<i>Anacardium occidentale L.</i>	25,0
ანონა (Soursop)	<i>Annona muricata L.</i>	25,0
ანონა ბადისებრი (Bullock's heart or custard apple)	<i>Annona reticulata</i>	25,0
ანონა ქერცლიანი (Sugar Apple)	<i>Annona squamosa L.</i>	25,0
ბანანი (Bananas)	<i>Musa სახეობები, მათ შორის M.acuminata და M. paradisiacal</i> სხვა სახეობის ბანანის გამოკლებით	25,0
ბროწეული (Pomegranates)	<i>Punica granatum L.</i>	25,0
ბრაზილიური ქლიავი - უმბუ (Umbu)	<i>Spondias tuberosa Arruda ex Kost.</i>	25,0
გუავა (Guavas)	<i>Psidium guajava L.</i>	25,0
ესპანური ქლიავი (Spanish)	<i>Spondias purpurea L.</i>	25,0



plums)		
ზღმარტლი (Azeroles)	<i>Neapolitan medlars</i>	25,0
ლიჩი (Litchi/Lychee)	<i>Litchi chinensis Sonn.</i>	20,0
მანგო (Mango)	<i>Mangifera indica L</i>	25,0
პაპაია (Papaya)	<i>Carica papaya L.</i>	25,0
სხვა ხილი ამ კატეგორიისა	-	25,0
<b>ხილი, რომლის წვენი გამოიყენება ზუნებრივ მდგომარეობაში</b>		
ანანასი (Pineapple)	<i>Ananas comosus (L.) Merrill,</i> <i>Ananas sativis L. Schult. f.</i>	40,0
ატამი (Peach)	<i>Prunus persica (L.) Batsch var.</i> <i>persica</i>	40,0
ვამლი (Apple)	<i>Malus domestica Borkh.</i>	50,0
მსხალი (Pear)	<i>Pyrus communis L.</i>	40,0
ციტრუსები, გარდა ლიმონის და ლაიმისა (Citrus fruits except lemons and limes)	-	50,0
პომიდორი (ტომატი) (Tomato)	<i>Lycopersicum</i> <i>esculentum Mill.</i>	50,0
სხვა ხილი ამ კატეგორიის	-	50,0

ბრექსის გრადუსის (ზინვიანი) უმცირესი მნიშვნელობა აღდგენილია  
 ბრექსის წვეთის და აღდგენილი ბრექსისათვის

ბრექსის გრადუსის (ზინვიანი)	ბრექსის დასახელება	ბრექსის დასახელება
14,0	<i>Prunus cerasus L.</i>	აღებელი (Sour Cherry)
12,8	<i>Ananas comosus (L.) Merr.</i>	ანანი (Pineapple)
10,5	<i>Prunus persica (L.) Batsch var. persica</i>	აბი (Peach)
21,0	<i>Musa x paradisiaca L. (excluding plantains)</i>	ბანანი (Banana)
11,5	<i>Prunus armeniaca L.</i>	გაგაბი (Apricot)
10,0	<i>Citrus x paradisi Macfad.</i>	გრეიფრუტი (Grapefruit)
8,5	<i>Psidium guajava L.</i>	გუავა (Guava)
11,5	<i>Malus domestica Borkh.</i>	გაბლი (Apple)
8,0	<i>Citrus limon (L.) Burm.f.</i>	ლიმონი (Lemon)
11,2	<i>Citrus reticulata Blanco</i>	მანდარინი (Mandarin)
13,5	<i>Mangifera indica L.</i>	მანგო (Mango)
12,0	<i>Passiflora edulis Sims</i>	მარაკუია (Passion Fruit)
7,5	<i>Fragaria x ananassa Duch.</i>	მარცხი (Strawberry)
11,0	<i>Ribes nigrum L.</i>	მარცხი შავი (Blackcurrant)

მსხალი (**) (Pear)	<i>Pyrus communis L.</i>	12,0
პომიდორი (*) (Tomato)	<i>Lycopersicon esculentum, Mill.</i>	5,0
ჯოლო (*) (Raspberry)	<i>Rubus idaeus L.</i>	8,0
ფორთოხალი (*) (Orange)	<i>Citrus sinensis (L.) Osbeck</i>	11,2
ყურძენი (*) (Grape)	<i>Vitis vinifera L. or hybrids thereof</i> <i>Vitis labrusca L. or hybrids thereof</i>	16,0
<p>(*) - ხილისგან დამზადებული წვენიანთვის, უმცირესი ფარდობითი სიმკვრივე განსაზღვრული უნდა იქნეს წყალის მიმართ 20/20 ° C-ზე;</p> <p>(**) - ხილისგან დამზადებულ ხილფაფაში განსაზღვრული უნდა იქნეს მხოლოდ ზრიქის უმცირესი არაკორექტირებული გრადუსი (რიცხვი) (მეაფის კორექციის გარეშე);</p>		

VI 1 ფორმის სერტიფიკატი

<p>1. ექსპორტიორი (დასახელება და მისამართი) Exporter (name and address)</p>	<p>THIRD COUNTRY OF ISSUE: გამტევი მესამე ქვეყანა VI 1 Serial No: VI 1 და No: ევროკავშირში ღვინის, ყურძნის წვენის ან ყურძნის ტკბილის იმპორტირების დოკუმენტი DOCUMENT FOR THE IMPORTATION OF WINE, GRAPE JUICE, OR GRAPE MUST INTO THE EUROPEAN COMMUNITY</p>	
<p>2. მიმღები (ტვირთის)(დასახელება და მისამართი) Consignee (name and address)</p>	<p>3. საბაჟო გამშვები პუნქტის ბეჭედი (ევროკავშირში გამოყენებისათვის) Customs stamp (1) (For official EC use only)</p>	
<p>4. სატრანსპორტო საშუალება და მისი დეტალები (1) Means of transport and transport details (1)</p>	<p>5. გადმოტვირთვის ადგილი (თუ განსხვავდება მე-2 პუნქტისგან) Place of unloading (If different from 2)</p>	
<p>6. იმპორტირებული პროდუქცია Description of the imported products</p>	<p>7. რაოდენობა ლ/ჰლ/კგ (2) Quantity in l/hl/kg (2)</p>	<p>8. ბოთლების რაოდენობა Number of bottles</p>
	<p>9. სერტიფიკატი CERTIFICATE</p> <p>პროდუქტი არის <input type="checkbox"/> /ან არ არის <input type="checkbox"/> განსაზღვრული ადამიანის მიერ მოხმარებისათვის. შეესაბამება ევროკავშირის მიერ ღვინის პროდუქტებისთვის დადგენილ განმარტებებს და კატეგორიებს და წარმოებულია ენოლოგიური მეთოდის გამოყენებით <input type="checkbox"/>. რომელიც რეკომენდებული და დადგენილია OIV/ <input type="checkbox"/> მიერ და ავტორიზებულია ევროკავშირის მიერ. The product described in (3) <input type="checkbox"/> is/ <input type="checkbox"/> is not intended for direct human consumption, complies with the Community definitions or categories of grapevine products and has been produced using oenological practices (3) <input type="checkbox"/> recommended and published by OIV/ <input type="checkbox"/> authorized by the Community.</p> <p>უფლებამოსილი ორგანოს დასახელება და მისამართი: ადგილი და თარიღი: Full name and address of the official agency: Place and date:</p> <p>ხელმოწერა, სახელი და თანამდებობა: უფლებამოსილი პირის Signature, name and title of official:</p> <p>ბეჭდის ადგილი: Stamp:</p>	
<p>(<sup>1</sup>) 10. ლაბორატორიული გამოკვლევის შედეგები (ზემოაღნიშნული პროდუქტის მახასიათებლები) ANALYSIS REPORT (describing the analytical characteristics of the product described above)</p> <p>ყურძნის ტკბილისა და ყურძნის წვენისთვის FOR GRAPE MUST AND GRAPE JUICE</p> <p>სიმკვრივე</p>		

Density:			
დუღილის პროცესში მყოფი ღვინისა და ყურძნის ტკბილისათვის FOR VINE AND GRAPE MUST STILL IN FERMENTATION			
საერთო სპირტმემცველობა: Total alcohol strength:		ფაქტიური სპირტმემცველობა: Actual alcohol strength	
ყველა პროდუქტისთვის FOR ALL PRODUCTS			
მშრალი ექსტრაქტის საერთო რაოდენობა: Total dry extract:		გოგირდის დიოქსიდის საერთო რაოდენობა: Total sulphur dioxide:	
საერთო მჟავიანობა: Total acidity:	აქროლადი მჟავიანობა: Volatile acidity:	ლიმონმჟავა: Citric acid:	
აკრედიტირებული ლაბორატორიის დასახელება და მისამართი: Full name and address of the recognized laboratory:		ადგილი და თარიღი: Place and date:	
უფლებამოსილი პირის ხელმოწერა, სახელი და თანამდებობა: Signature, name and title of official:			
ბეჭდის ადგილი Stamp:			
რაოდენობა Quantity	11. თავისუფალ მიმოქცევაში გამავლობის დამადასტურებელი საბაჭო დოკუმენტის ნომერი და თარიღი No and date of customs document of release for free circulation und of the extract	12. მიმღების (ტვირთის) დასახელება და მისამართი Full name and address of consignee (extract)	13. კომპეტენტური ორგანოს ბეჭედი Stamp of the competent authority
არსებული Available			
განკუთვნილი Attributed			
არსებული Available			
განკუთვნილი Attributed			
არსებული Available			
განკუთვნილი Attributed			
არსებული Available			
განკუთვნილი Attributed			
14. შენიშვნები Other remarks			